

醫道統要脈全書

傷寒直格論方卷下

江陰朱氏校刊本

金河間劉完素著

習醫要用直格

諸證藥石分劑

麻黃散

麻黃

一兩半去節湯泡
云黃汁焙乾秤

桂枝

一兩削去觔
皮官桂是也

甘草

半兩炙

杏仁

二十粒湯浸去皮尖
雙仁者下並同法

右剉如麻豆大每服五錢七

七匙也謂錢
作匙抄也

水一盞半

煎至八分濾去滓溫服

滓阻史切
澱也炸也

衣覆以取微汗

或溫病身煩痛小便自利者加白朮四分微汗之一

分二錢半也

益元散

一名天水散 一名太白散

滑石

六兩白膩好者

甘草

一兩

右為細末每服三錢蜜多許溫水調下或無蜜亦可
每時日三服或欲冷飲者新井泉調下亦得解利發
汗煎蔥白豆豉湯下每服水一盞蔥白五寸豆豉五
十粒煮取汁七分調併三四服以効為度此藥是寒
涼解散熱鬱設病甚不解多服無害但有益耳本世

傳名太白散俗惡性寒蔥易得之賤物而又不明素問造化之理故不取本草神驗之言而多不用焉若以隨證驗之乃凡人之仙藥也何可缺歟 夫傷寒

當汗則不可下當下則不可汗且如誤服此藥則汗自不出而裏熱亦獲不效亦有裏熱便得宣通而愈者也或半在表半在裏可和解而不可吐下發汗者若服此藥多愈或不愈亦小減加涼膈散和解尤佳

或自當汗解者更加蒼朮粗末三錢同蔥豉煎湯調服尤良或孕婦不宜滑石麻黃桂枝輩發汗卽用

甘草一兩蒼朮二兩同爲粗末每服四錢水一盞蔥
白五寸豉五十粒同煎至六分濾去滓熱服併二三
服取微汗是名逼毒散非孕婦亦可服或太白散加
麻黃二兩去節如法煎服世云神白散 或逼毒散
加麻黃與蒼朮等分去節濟衆云青龍散 或青龍
散更加滑石末與蒼朮二倍是爲發汗之妙藥名曰
大逼毒散此方唯正可汗者卽用誤服之則轉加熱
也或解利兩感煎涼膈調下益元散四錢 或下乳
用猪肉麴羹粥飲湯之類調下四錢不拘時候日三

服及宜食肉麪羹粥 催產溫香油漿調下五錢併

二三服以產爲度 或死肝不下者煎三乙承氣湯

一服調下益元散五錢須臾更頻用油漿調益元散

溫服前後俱下而胎下可活產母也凡難產或死胎

不下皆由風熱燥澁緊歛結滯而不能舒緩故產戶

不得自然開通也此藥力至則結滯頓開而產矣後

慎不可溫補而反生燥熱也俗未知產後亡液損血

疼痛怖懼以致神狂氣亂則陰氣損虛邪熱太甚而

爲諸熱證由不讀素問不知造化故不識證候陰陽

反以妄爲產諸虛百損便爲虛冷而無熱也誤以熱藥溫補或見煩渴者不令飲水本雖善心爲害多矣豈治病之道但以臨時審其臟腑六氣虛實明其標本如法治之而已矣此藥泛常多用然須爲效至大而俗以病異藥同將謂妄行反招侮慢今以黃丹加令桃紅色名曰紅玉散 加青黛令輕碧色名碧玉散 加薄荷葉一分名雞蘇散主療不殊收效則一俗目懵然何能別此可遠妄晦可顯立功後之學者其究心焉

桂枝湯

桂枝

去皮

芍藥

甘草

炙等分三分爲率

右剉如麻黃大每服八錢水一盞半薑三片棗三枚
擘破煎至七分令去滓溫服續後啜熱稀粥溫覆令
遍身微汗或暖也及初夏可加黃芩一兩名陽旦湯
大熱之分及素有熱入可再加知母半兩石膏一兩
爲末或更加升麻一分禁生冷粘滑肉麪五辛酒酪
息物等桂枝證反下之不成結胸及痞但腰滿證在
者本方倍加芍藥大實痛者更加大黃半兩脈弱自

利者不加

桂枝加葛枝湯

桂枝

芍藥

甘草

各三分

錢

葛枝

一兩三錢

右如桂枝湯服

謂如桂枝湯剉煎服也下並倣此

葛枝湯

葛根

一兩

麻黃

泡去黃汁焙乾秤三分

桂枝

去皮

芍藥

甘草

炙各半兩

右如桂枝湯服

大青龍湯

麻黃

製如前

石膏

為末各三分

桂枝

一分半

甘草

炙一分

杏仁

十枚湯去皮尖雙仁

右剉如麻豆大抄五錢水一盞生薑三片棗三枚擘

破煎至半盞瀘去滓溫服令身汗淫未潤再服

小青龍湯

麻黃

製如前

半夏

湯洗

芍藥

細辛

乾薑

甘草

炙

桂枝

去皮三分

五味子

右剉麻豆大每服八錢水一盞半生薑四片煎至七

分絞汁溫服渴者去半夏加栝蒌根三錢微利

去麻黃加芫花彈子大 噎者去麻黃加附子二錢

炮以開佛熱結滯 小便不利少腹滿者去麻黃加

茯苓四錢 喘者去麻黃加杏仁製如前法此方燥

至溫散其水以潤腸胃臟腑之燥以開發佛熱結滯

者也

小柴胡湯

柴胡

去苗秤二兩

黃芩

甘草

人蔘

各三分

半夏

六錢泡五七次

右剉如麻豆大抄五錢生薑三片棗三枚切煎至半

蓋瀘去滓溫服日三小兒一服作三服諸藥法同

涼膈散

一名連翹飲子

連翹

一兩

山梔子

大黃

薄荷葉

去毛

黃芩

各半兩

甘草

一兩半

樸硝

一分

右爲粗末每服二三錢水一盞蜜少許或無蜜亦可

舊用竹葉或亦不須煎至七分瀘去滓溫服熱甚者

可服四錢亦有可服一二十錢者治咽喉并涎嗽

加桔梗一兩荊芥穗半兩咳而嘔者本方加半夏半

兩每服生薑三片煎 衄嘔血者加當歸芍藥各半

兩生地黃一兩淋者加滑石四兩茯苓一兩風眩者
加川芎防風各半兩石膏三兩酒毒者加葛根一兩
斑疹痘瘡加荊芥穗赤芍藥川芎防風桔梗各半兩
三歲兒可服七八錢或熱甚黑陷腹滿喘急小便赤
澁而將死者此一服更加大承氣湯約以下之得利
立甦

凡言加者皆自本方加也但加者每服五七錢以意
加減調理 兩感傷寒下證前後以退表裏之熱者
煎本方四五錢調下益元散三四錢其本方皆能治

此諸證但加卽爲效也

白虎湯

知母

一兩半

甘草

一兩炙

粳米

一合

石膏

四兩爲末

右剉麻豆大抄五錢水一盞煎至六分去滓溫服無時日三四服熱甚者服七八錢至十餘錢或眩或嘔或咳者加半夏半兩陳皮半兩每服用生薑三片煎服或傷寒發汗不解脈浮者加蒼朮半兩名曰蒼朮白虎湯或發汗或下後煩渴口乾或脈洪大或微惡寒者或不可下者或除可者之藥外並宜加人

參半兩以調之名人參白虎湯

五苓散

猪苓

去黑皮

茯苓

白朮

各半兩

桂

去皴皮一分

澤瀉

一兩

石爲細末每服二三錢熱湯調下惡熱欲冷飲者新

水調下或生薑湯調下愈妙或加滑石二兩甚或喘

嗽咳煩心不得眠者更加阿膠半兩泡

桂苓甘露飲

一名桂苓白朮散

桂

半兩

茯苓

白朮

各半兩

甘草

炙

澤瀉

石膏

寒水石

各一兩

滑石

二兩製加

則

右爲極細末熱湯調下三錢欲冷飲者新水調下或生薑湯調下尤良小兒服一錢

白朮散

白朮

茯苓

去皮

人蔘

藿香葉

淨各

半兩

甘草

炙一兩半

木香

一分

葛根

一兩

右爲細末白湯調下三錢若煩渴者加滑石二兩病甚者爲粗末每服一兩半水一大升煎至七合絞汁

放冷從意續續飲之小兒尤宜

四逆湯

甘草炙

乾薑各一分

附子半箇生去皮臍

凡用附子以半兩重者佳小者力弱大者性惡非稱處方之宜也世皆美其大者未知古人之有則也

右剉麻豆大用水兩盞煮至一盞絞汁分溫二服強實人二劑作三服或畜熱極深者手足厥冷則不宜此方當以下之也

茯苓半夏湯